



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hymni Ecclesiastici Novo Cultu Adornati

Clairé, Martin

Parisiis, 1676

Ad Lavdes.

urn:nbn:de:hbz:466:1-12077

36 H Y M N I

Fac ut sit hæc obscuritas
Nostris amica cantibus.

Emitte lucem cœlitus,
Mentis repellens nubila,
Et quæ maligni spiritus
Nobis creant pericula.

Dissolve culpæ debita,
Quæ nequiter contraximus;

Ne cuncta fiant irrita

Quæ corde vota promimus.

Hæc te, beata Trinitas,
Junctis precamur vocibus;

Ut una nos felicitas

Jungat beatis cœtibus. Amen.

A D L A U D E S.

ALES diei nuntius
Lumen propinquans indicat;
Christus futuri præsciis
Nos ad precandum convocat.

Auferte, clamat, lectulos;
En sponsus; adsint lampades;
Vult hic amantes sedulos,
Odit sopore desides.

Tu, Christe, somnum discute,
Tu pelle mentis nubila;

Et in cor igne cœlite
Accensa fige spicula.

Hæc te, beata Trinitas,
Junctis precamur vocibus,
Ut una nos felicitas
Jungat beatis cœtibus. Amen.

FERIA QUARTA.

AD MATUTINUM.

RERUM Creator optime,
Tu nos benignus exime
Quiete menti noxiâ,
Curâque carnis ansiâ.

En noctis horas rumpimus,
Omnes tibi nos sistimus;
Ut per tuam clementiam
Reis redones gratiam.

Vides malum quod fecimus,
Occulta quæque pandimus;
Remitte nobis crimina,
Quorum gravamur sarcinâ.

Præsta, Pater piissime,
Fili, Patris simillime,
Et tu, beate Spiritus,
Nobis adesto cœlitus. Amen.